



## ՔԱՂԱՅԱԿԱՆ ՁԵՆԱԴՐՈՒԹՅՈՒՆ ԵՎ ՕԾՈՒՄ ՄԱՅՐ ԱԹՈՒ ՍՈՒՐԲ ԷԶՄԻԱԾՆՈՒՄ

Մայիսի 2-ին Մայր Աթոռ Սուրբ Էջմիածնում, հանդիսապետությամբ Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի, մարտգլեց Ս. Պարարագ, որի ընթացքում ձեռամբ Մյունխենի թեմի առաջնորդ Ս. Աբրահամ եպս. Մկրտչյանի քահանայական ձեռնադրություն և օծում ստացան վեց սարկավազներ:

Նախորդ օրը, երեկոյան ժամերգությունից առաջ, Մայր Տաճարում կատարվեց նորըն-  
ձաների հավատո խոստովանությունը: Խարավալիակները վկայեցին նորընձանների հո-  
գևոր-իմացական պատրաստվածության և արժանիքների մասին, իսկ ընծայացուները  
միաբերան մերժեցին և նզովեցին հերետիկոսներին ու հերձվածողներին՝ ուխտելով հեղեղ  
սուրբ առաքյալների, երանաշնորհ հայրապետների ու վարդապետների հավատքին՝ ի  
նշան իրենց ուղղափառ դավանության արտասանելով Ս. Գրիգոր Տաթևացու «Նավարամ-  
քը»:

Կիրակի, հընթացս Ս. Պարարագի, 6 ուխտյալները սաղմոսների փոխասացության  
ներքո ծնկաչոք բարձրացան Ավագ Ս. Խորան: Դառնալով դեպի հավատացյալ ժողովուր-  
դը՝ ընծայացուները բարձրացրին իրենց ձեռքերը՝ ի նշան աշխարհական կյանքից հրաժար-  
ման: Մեծ հանդիսավորությամբ Ս. Խորան բերվեց Սրբալույս Մյուռնը, և ձեռնադրող  
Սրբազան Հայրը մեկ առ մեկ օձեց ընծայացուների ճակատները, աջ և ձախ ձեռքերի ափե-  
րը՝ նոր անուններով կոչելով նրանց. Հարություն սրկ. Տերությունը վերակոչվեց Ս. Թադեոս  
քահանա, Վարդան սրկ. Իսախանյանը՝ Ս. Անդրեաս քահանա, Սարգիս սրկ. Կիրակոս-  
յանը՝ Ս. Տաթև քահանա, Արման սրկ. Հակոբյանը՝ Ս. Զավեն քահանա, Էդգար սրկ. Հակոբ-  
յանը՝ Ս. Մակար քահանա, և Մուշեղ սրկ. Սարգսյանը՝ Ս. Շնորհք քահանա: Աբրահամ  
Սրբազանը նորաօծ քահանաներին փոխանցեց նաև Հաղորդության սկիհ՝ նրանց փառքով  
պատարագելու և Տիրոջ մարմինն ու արյունը ժողովրդին բաշխելու իշխանություն:







«ԳՐԱԽԱՆԻԿ»

